

MALAYSIA
DEWAN RAKYAT
ATURAN URUSAN MESYUARAT
NASKHAH SAHIH/BAHASA MALAYSIA

<http://www.parlimen.gov.my>

HARI RABU, 30 OKTOBER 2013, PUKUL 10.00 PAGI

Bil. 32

PERTANYAAN-PERTANYAAN BAGI JAWAB LISAN

1. PR-1313-L57206
Dato' Haji Mohd Zaim bin Abu Hasan [Parit] minta **MENTERI SUMBER MANUSIA** menyatakan berapa banyak syarikat yang memohon penangguhan pelaksanaan gaji minimum. Apakah kekangan yang dihadapi mereka dan sehingga bila pihak Kerajaan perlu menangguhkan perkara tersebut.
2. PR-1313-L58385
Tuan Fong Kui Lun [Bukit Bintang] minta **MENTERI DALAM NEGERI** menyatakan kedudukan pekerja asing yang berada di negara ini, pecahan bilangan pekerja dengan izin dan tanpa izin pelbagai negara sehingga 30.9.2013 serta bilangan pemutihan dan apakah langkah untuk mengurangkan penggantungan negara kepada pekerja asing.
3. PR-1313-L58304
Dato' Ahmad Fauzi bin Zahari [Setiawangsa] minta **MENTERI PERDAGANGAN ANTARABANGSA DAN INDUSTRI** menyatakan faktor-faktor penyebab Forum Ekonomi Dunia (WEF) menyenaraikan Malaysia sebagai negara ke-24 paling berdaya saing daripada 148 negara dalam Laporan Daya Saing Global (GCR) 2013-2014.
4. PR-1313-L58045
Puan Teresa Kok Suh Sim [Seputeh] minta **MENTERI KOMUNIKASI DAN MULTIMEDIA** menyatakan bilangan aduan yang diterima oleh MCMC sejak 1 Januari 2013. Nyatakan bilangan aduan dan jenis aduan yang telah diambil tindakan oleh MCMC.
5. PR-1313-L57757
Tuan Haji Hasbi bin Haji Habibollah [Limbang] minta **PERDANA MENTERI** menyatakan dapatkah Kerajaan melaksanakan kelas-kelas PERMATA di luar-luar bandar di negeri Sarawak.

6. PR-1313-L57520
Puan Alice Lau Kiong Yieng [Lanang] minta **MENTERI KEWANGAN** menyatakan :-
- (a) sama ada Kerajaan akan mengurangkan subsidi bagi petrol dalam tahun ini lagi dan juga pada tahun 2014 ; dan
 - (b) apakah rancangan Kerajaan untuk meringankan beban rakyat memandangkan subsidi turun mengakibatkan lagi barang/caj pengangkutan naik secara mendadak.
7. PR-1313-L57359
Tuan Haji Ahmad Nazlan bin Idris [Jerantut] minta **MENTERI KERJA RAYA** menyatakan langkah-langkah yang diambil oleh Kementerian dalam mengatasi masalah projek-projek sakit, lewat, tertangguh, dan gagal yang membebankan Kerajaan dan merugikan rakyat, agar projek tersebut dapat disiapkan mengikut tempoh yang ditetapkan.
8. PR-1313-L58607
Tuan Mohamed Hanipa bin Maidin [Sepang] minta **PERDANA MENTERI** menyatakan :-
- (a) adakah Kerajaan bersedia menyelaraskan perkhidmatan teksi di seluruh lapangan terbang khususnya di LCCT kepada satu jenis perkhidmatan teksi sahaja bagi melindungi pemandu-pemandu teksi premier dan Van yang terjejas teruk; dan
 - (b) mengapakah gejala ulat teksi di lapangan-lapangan terbang di negara ini masih berleluasa.
9. PR-1313-L58741
Tuan Haji Zainudin bin Ismail [Jelebu] minta **MENTERI PENDIDIKAN** menyatakan :-
- (a) jumlah keupayaan pengambilan penuntut ke Institut Perguruan (IPG) di seluruh negara dan pada masa ini berapa peratuskah pengambilan penuntut yang dibuat daripada jumlah keupayaan IPG-IPG yang ada; dan
 - (b) perincian jumlah pengambilan penuntut ke IPG di negara ini mengikut kaum dan gender bagi 5 tahun yang lalu.
10. PR-1313-L57292
Tuan Oscar Ling Chai Yew [Sibul] minta **MENTERI KEWANGAN** menyatakan hasil keputusan siasatan Geneva S/B, nampaknya sudah satu tahun siasatan dijalankan. Adakah duit yang dilaburkan diberi balik kepada pelabur apabila siasatan siap.

11. PR-1313-L57241
Datuk Dr. Haji Abd. Latiff bin Haji Ahmad [Mersing] minta **MENTERI KEMAJUAN LUAR BANDAR DAN WILAYAH** menyatakan pembuangan sampah di kawasan kampung juga perlu diberi perhatian mulai sekarang. Adakah Kementerian bercadang melaksanakan '*pilot project*' bagi pelupusan sampah sarap di kawasan kampung dan luar bandar.
12. PR-1313-L57648
Tuan Sim Chee Keong [Bukit Mertajam] minta **MENTERI SUMBER ASLI DAN ALAM SEKITAR** menyatakan laporan Penilaian Kesan Kepada Alam Sekitar (EIA) bagi 12 empangan serta Penilaian Kesan kepada Sosial dan Alam Sekitar (ESIA) bagi industri berat di Kawasan Perindustrian Samalaju termasuk Kilang Aluminium kedua Press Metal Projek SCORE di Sarawak. Selain itu, berapa dan bila pampasan telah dibayar oleh Kerajaan kepada Kilang Aluminium Press Metal pertama yang tidak berfungsi lagi.
13. PR-1313-L58253
Tuan Anyi Ngau [Baram] minta **MENTERI KEMAJUAN LUAR BANDAR DAN WILAYAH** menyatakan jumlah peruntukan bagi projek Bekalan Elektrik Luar Bandar (BELB) serta berapa ramai penduduk di kawasan Baram yang telah menerima manfaat daripada pelaksanaan projek BELB ini.
14. PR-1313-L57116
Dr. Haji Izani bin Haji Husin [Pengkalan Chepa] minta **MENTERI PENDIDIKAN** menyatakan adakah Kementerian dapat menyelesaikan penempatan suami-isteri yang berkhidmat sebagai pendidik yang ditempatkan di negeri-negeri yang berasingan.
15. PR-1313-L58821
Datuk Koh Nai Kwong [Alor Gajah] minta **MENTERI KESIHATAN** menyatakan apa langkah-langkah yang Kementerian memperkenalkan untuk mengurangkan tabiat merokok di kalangan rakyat.
16. PR-1313-L57276
Dr. Lee Boon Chye [Gopeng] minta **MENTERI PENDIDIKAN** menyatakan kos keseluruhan untuk projek 1BestariNet dan tahap pencapaian projek tersebut.
17. PR-1313-L57094
Dato' Seri Ong Ka Chuan [Tanjong Malim] minta **MENTERI PENDIDIKAN** menyatakan adakah Kementerian mempunyai perancangan untuk menggabungkan semua pusat latihan perguruan di seluruh negara dan menjadikan UPSI di Tanjong Malim sebagai sebuah pusat pengajian perguruan yang utama.

18. PR-1313-L57936
Tuan Wong Tien Fatt @ Wong Nyuk Foh [Sandakan] minta **MENTERI PENDIDIKAN** menyatakan berapakah jumlah pelajar dan jumlah peruntukan pada tahun 2008-2013 oleh Kerajaan untuk sekolah-sekolah rendah dan menengah di Sabah, mengikut jenis sekolah (SRK, SRJK(C), SRJK(T), SMK, SMJK, Sekolah Agama, Sekolah Missionary, dan lain-lain). Apakah nisbah peruntukan itu kepada setiap pelajar mengikut jenis sekolah.
19. PR-1313-L58591
Datuk Dr. Makin @ Marcus Mojigoh [Putatan] minta **MENTERI KESIHATAN** menyatakan :-
- (a) sama ada pihak Kementerian akan menubuhkan Jabatan Perubatan Nuklear di Hospital Ratu Elizabeth, Kota Kinabalu, Sabah; dan
 - (b) sekiranya ya, bila ia akan dilaksanakan dan sekiranya tidak, apa pula alasannya.
20. PR-1313-L57535
Tuan Lim Kit Siang [Gelang Patah] minta **PERDANA MENTERI** menyatakan kenapa selepas setengah abad, Malaysia masih tidak mampu mendapatkan keyakinan di peringkat nasional dan antarabangsa dalam soal kebebasan badan kehakiman dan kedaulatan undang-undang berbanding dengan tahun 1988, dan apa langkah-langkah pembaikan yang ada.
21. PR-1313-L57458
Datuk Chua Tee Yong [Labis] minta **PERDANA MENTERI** menyatakan adakah Kerajaan mempertimbangkan cadangan *National Stakeholders Economic Action Plan* atau Pelan Amanah di mana tiada rakyat akan tertinggal dalam pembangunan ekonomi serta ia akan memanfaatkan seluruh rakyat Malaysia serta negara.
22. PR-1313-L58729
Dr. Ong Kian Ming [Serdang] minta **PERDANA MENTERI** menyatakan status projek Lebuh raya Serdang, Kinrara dan Putrajaya (SKIP Highway).
23. PR-1313-L57334
Tan Sri Datuk Seri Panglima Joseph Pairin Kitingan [Keningau] minta **MENTERI PENDIDIKAN** menyatakan sama ada sudah dijadualkan pembinaan Sekolah Menengah Sains di Keningau selepas kelulusan diumumkan awal tahun ini.

24. PR-1313-L58350
Tuan Tony Pua Kiam Wee [Petaling Jaya Utara] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan :-
- (a) jumlah stesen petrol yang didapati bersalah menjual minyak kepada pihak yang tidak layak menikmati subsidi minyak untuk setiap tahun sejak 2005 dan tindakan yang telah diambil ke atas syarikat-syarikat tersebut; dan
 - (b) anggaran isi padu minyak yang telah dijual kepada pihak di atas.
25. PR-1313-L58282
Datuk Wee Jeck Seng [Tanjong Piai] minta **MENTERI PERTANIAN DAN INDUSTRI ASAS TANI** menyatakan berapakah jenis bantuan yang diberikan oleh pihak Kementerian kepada nelayan-nelayan di negara kita dan adakah bantuan tersebut memberikan jaminan terhadap kehidupan mereka sekiranya menghadapi kekurangan hasil laut semasa mengalami musim angin monsun.
26. PR-1313-L57130
Dato' Takiyuddin bin Hassan [Kota Bharu] minta **MENTERI KEMAJUAN LUAR BANDAR DAN WILAYAH** menyatakan apakah inti pati Laporan Inkuiri Nasional Mengenai Hak Tanah Orang Asal/Asli yang telah dijalankan dan disiapkan oleh SUHAKAM dan sejauh manakah Kerajaan mengambil tindakan terhadap laporan tersebut.
27. PR-1313-L57592
Tuan Haji Mohd Fasih bin Haji Mohd Fakeh [Sabak Bernam] minta **MENTERI PERDAGANGAN ANTARABANGSA DAN INDUSTRI** menyatakan sejauh manakah jalinan pakatan dan perkongsian strategik antara Halal Industry Development Corporation (HDC) dengan kumpulan perniagaan daripada lima ekonomi utama dapat meningkatkan minat dan pelaburan dalam sektor halal di negara ini.
28. PR-1313-L58707
Tuan Lim Lip Eng [Segambut] minta **MENTERI BELIA DAN SUKAN** menyatakan persediaan yang dibuat dan anggaran kos untuk Malaysia menjadi tuan rumah bagi kejohanan bola sepak Piala Dunia 2034. Sama ada sebuah negara Asia Tenggara akan dijadikan tuan rumah bersama, mengapa.
29. PR-1313-L58996
Puan Mas Ermieyati binti Samsudin [Masjid Tanah] minta **MENTERI SUMBER MANUSIA** menyatakan apakah langkah-langkah yang telah/sedang/bakal diambil oleh Kerajaan untuk melindungi wanita-wanita bertudung daripada didiskriminasi oleh majikan yang tidak mahu mengambil wanita bertudung ini bekerja seperti isu di Facebook telah memuat naik status kekecewaannya selepas berulang kali permohonan kerjanya di sebuah butik ternama telah ditolak atas alasan dia bertudung.

30. PR-1313-L57735
Tuan Nga Kor Ming [Taiping] minta **MENTERI SUMBER ASLI DAN ALAM SEKITAR** menyatakan jumlah keluasan hutan simpan, hutan simpan kekal yang sedia ada mengikut negeri dan apakah pelan tindakan Kementerian untuk memastikan industri pembalakan dapat dibangunkan secara mampan dengan tidak menjejaskan sistem ekologi negara.
31. PR-1313-L57422
Tuan Nogeh anak Gumbek [Mas Gading] minta **MENTERI PELANCONGAN DAN KEBUDAYAAN** menyatakan adakah pihak Kementerian mempunyai rancangan khusus untuk mempromosikan kawasan Parlimen Mas Gading sebagai salah satu tempat tarikan pelancongan.
32. PR-1313-L57325
Tuan William Leong Jee Keen [Selayang] minta **PERDANA MENTERI** menyatakan langkah-langkah untuk menangani rasuah di mana mengikut *Asia-Pacific Fraud Survey Report Series 2013*, Malaysia adalah salah satu negara yang mana rasuah adalah tertinggi.
33. PR-1313-L58866
Dato' Mohd Ariff Sabri bin Abdul Aziz [Raub] minta **MENTERI PERTANIAN DAN INDUSTRI ASAS TANI** menyatakan :-
- (a) adakah pihak Kementerian bercadang untuk mengadakan suatu acara Festival Durian Raub dan menjadikan itu sebagai acara tahunan; dan
 - (b) boleh atau tidak pihak Kementerian mengadakan mini MAHA untuk kawasan Pahang Barat yang berpusat di Raub.
34. PR-1313-L57616
Tuan Sim Tze Tzin [Bayan Baru] minta **PERDANA MENTERI** menyatakan jumlah perbelanjaan yang digunakan untuk penjenamaan "*Endless Possibilities*". Namakan konsultan yang digunakan dan jumlah yang dibayar kepada konsultan.
35. PR-1313-L58810
Dr. Tan Seng Giaw [Kepong] minta **PERDANA MENTERI** menyatakan langkah-langkah untuk mempertingkatkan keberkesanan SPRM. Apakah masalah untuk menjadikan ia sebagai Suruhanjaya Perkhidmatan.
36. PR-1313-L57790
Tuan Er Teck Hwa [Bakri] minta **PERDANA MENTERI** menyatakan senarai permohonan permit bas awam dan teksi yang diberikan kepada individu dan syarikat mengikut kawasan Parlimen setiap tahun dari tahun 2008-2013. Berapakah permohonan yang diluluskan dan gagal.

37. PR-1313-L58100
Datuk Haji Abdul Azeez bin Abdul Rahim [Baling] minta **MENTERI DALAM NEGERI** menyatakan langkah yang diambil bagi memperketatkan kawalan di pintu-pintu masuk negara bagi mengelakkan para penjenayah berat melarikan diri ke luar negara ekoran pendekatan yang menyeluruh dilakukan ketika Ops Cantas baru-baru ini.
38. PR-1313-L58850
Tuan V. Sivakumar [Batu Gajah] minta **MENTERI KEWANGAN** menyatakan jumlah wang palsu yang dikesan dalam aliran pusingan ekonomi negara kita sejak 10 tahun lalu. Apakah ciri-ciri keselamatan wang kertas dan duit syiling yang dicetak oleh Bank Negara.
39. PR-1313-L58878
Datuk Johari bin Abdul Ghani [Titiwangsa] minta **MENTERI KOMUNIKASI DAN MULTIMEDIA** menyatakan apakah sudah ada perancangan strategik antara RTM dan BERNAMA TV dalam aspek perkongsian berita, fasiliti dan operasi pemberitaan, audio, program dan teknikal sebagai usaha mempertingkatkan agensi media rasmi Kerajaan terus diyakini dan tepat menyampaikan berita kepada 'audience'.
40. PR-1313-L59072
Tuan Haji Nasrudin bin Hassan [Temerloh] minta **MENTERI PENDIDIKAN** menyatakan justifikasi cadangan penggabungan 27 Institut Pendidikan Guru Malaysia (IPGM) kepada sebuah universiti.
41. PR-1313-L58288
Datuk Jumat bin Idris [Sepanggar] minta **MENTERI PELANCONGAN DAN KEBUDAYAAN** menyatakan :-
- (a) Sabah menerima pelancong yang sangat tinggi daripada serata dunia. Bolehkah pihak Kementerian menerangkan statistik kemasukan pelancong ke negeri Sabah sepanjang 5 tahun yang lalu mengikut negara asal mereka; dan
 - (b) apakah produk-produk tempatan yang mendapat sambutan baik pelancong luar negara agar ia boleh diperkembangkan dan lebih diketengahkan lagi.
42. PR-1313-L57388
Tuan R. Sivarasa [Subang] minta **PERDANA MENTERI** menyatakan kegagalan Kerajaan membanteras rasuah berdasarkan keputusan kajian selidik '*The Asia-Pacific Fraud Survey*' yang dibuat oleh Ernst & Young (EY) di mana :-
- (a) 54% golongan profesional yang ditemuduga menjawab "Ya" bagi soalan sama ada syarikat akan terlibat dalam rasuah untuk mencapai sasaran mereka; dan

- (b) 39% golongan profesional yang ditemuduga berpendapat bahawa rasuah berlaku secara berleluasa di dalam Malaysia.
43. PR-1313-L57426
Dato' Haji Mahfuz bin Omar [Pokok Sena] minta **MENTERI PELANCONGAN DAN KEBUDAYAAN** menyatakan apakah status motosikal tempahan khas yang ditempah daripada Orange County Chopper dan berapakah kos-kos serta tujuannya.
44. PR-1313-L57446
Dr. Hajah Siti Mariah binti Mahmud [Kota Raja] minta **PERDANA MENTERI** menyatakan jumlah kuarters Kerajaan di bawah Kementerian-kementerian berlainan (contoh JKR, KPM dan lain lain) yang tidak dihuni dan tidak diselenggara yang akhirnya rosak. Apakah polisi Kementerian mengenai hal ini.
45. PR-1313-L57498
Dr. Michael Jeyakumar Devaraj [Sungai Siput] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan tanggapan Kementerian terhadap jumlah bayaran bulanan pinjaman perumahan yang boleh tanggung oleh sebuah keluarga berpendapatan RM2500 dengan 3 orang anak yang bersekolah.
46. PR-1313-L58264
Dato' Sri Liow Tiong Lai [Bentong] minta **MENTERI KERJA RAYA** menyatakan langkah-langkah yang diambil untuk mengatasi masalah kesesakan lalu lintas pada waktu puncak dan cuti di MRR2 daripada Gombak ke Cheras dan adakah Kementerian bercadang untuk menambah MRR2 menjadi lebuh raya 8 lorong dalam RMK-11.
47. PR-1313-L57225
Dato' Mansor bin Othman [Nibong Tebal] minta **MENTERI PENDIDIKAN** menyatakan :-
- (a) jumlah graduan lepasan jurusan pendidddikan IPTA dan IPTS dalam masa lima tahun yang lepas mengikut bidang jurusan; dan
- (b) jumlah graduan lepasan jurusan pendidikan yang masih menganggur dan mengapa berlaku demikian.
48. PR-1313-L58648
Puan Teo Nie Ching [Kulai] minta **MENTERI DALAM NEGERI** menyatakan jumlah perkahwinan yang melibatkan warganegara yang belum mencapai umur 16 tahun.

49. PR-1313-L57802
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI BELIA DAN SUKAN** menyatakan usaha Kementerian dalam menarik minat belia lepasan sekolah menengah untuk menyambung belajar di Institut Kemahiran Belia Negara (IKBN). Apakah kelebihan yang disediakan oleh Kementerian bagi membolehkan graduan di IKBN dapat berdaya saing dengan pasaran sedia ada.
50. PR-1313-L57965
Puan Kasthuriraani a/p Patto [Batu Kawan] minta **MENTERI DALAM NEGERI** menyatakan mengapa bilangan premis peminjam wang haram atau *ah-long* masih aktif dan apakah inisiatif serta denda yang dikenakan kepada penjenayah seperti ini yang sudah tidak takut lagi dengan pihak polis.
51. PR-1313-L58239
Tuan Tan Kok Wai [Cheras] minta **MENTERI DALAM NEGERI** menyatakan berapakah lesen senjata api yang dimiliki oleh orang perseorangan di dalam negara pada tahun 2011, 2012 dan sehingga bulan September 2013. Adakah dasar permohonan memiliki senjata masih sama dalam tempoh tahun tersebut. Jika tidak, mengapa.
52. PR-1313-L57407
Tuan Wong Chen [Kelana Jaya] minta **MENTERI DALAM NEGERI** menyatakan jika pindaan dibuat terhadap Akta Pencegahan Jenayah 1959:-
- (a) adakah alat pengawasan elektronik yang dicadangkan akan dibekalkan oleh syarikat swasta; dan
 - (b) apakah jangkaan kos alat pengawasan elektronik tersebut.
53. PR-1313-L58742
Tuan Loke Siew Fook [Seremban] minta **MENTERI DALAM NEGERI** menyatakan jumlah serbuan dan tangkapan ke atas kafe siber yang menjalankan perjudian haram mengikut negeri untuk bulan Jun, Julai, Ogos dan September 2013 dan sejauh mana gejala perjudian haram di kafe siber dapat dibanteras oleh PDRM.
54. PR-1313-L58938
Tan Sri Dato Sri William Mawan Ikom [Saratok] minta **MENTERI PENGANGKUTAN** menyatakan :-
- (a) adakah pihak Kementerian berhasrat untuk meningkatkan kualiti dan mutu cetakan cukai jalan pada masa terdekat ini memandangkan cetakan cukai jalan yang sedia ada mudah pudar akibat pendedahan cuaca dan tidak tahan lama; dan

- (b) berapakah saman yang telah dikeluarkan oleh pihak penguat kuasa kepada pemilik kenderaan yang menghadapi masalah akibat kepudaran cetakan cukai jalan ini.

55. PR-1313-L57243
Dato' Seri Anwar bin Ibrahim [Permatang Pauh] minta **PERDANA MENTERI** menyatakan tindakan yang diambil ke atas Peguam Negara berikutan kegagalan mendakwa kes-kes rasuah berprofil tinggi yang telah lama selesai penyiasatan dan tiada sebab munasabah menangguhkan pendakwaan.
56. PR-1313-L58156
Dato' Seri Reezal Merican bin Naina Merican [Kepala Batas] minta **MENTERI TENAGA, TEKNOLOGI HIJAU DAN AIR** menyatakan jumlah syarikat/ bangunan yang mendapat Insentif Bangunan Hijau setakat September 2013. Apakah Kementerian akan mencadangkan insentif ini dilanjutkan selepas 31 Disember 2014 nanti.
57. PR-1313-L57274
Dr. Lee Boon Chye [Gopeng] minta **PERDANA MENTERI** menyatakan langkah-langkah yang diambil untuk membanteras rasuah oleh kerana indeks rasuah tidak mencapai KPI yang ditetapkan.
58. PR-1313-L58945
Datuk Noor Ehsanuddin bin Mohd Harun Narrashid [Kota Tinggi] minta **MENTERI PENDIDIKAN** menyatakan sejauh manakah pencapaian Pelan Strategik Pengajian Tinggi Negara (PSPTN) dan langkah-langkah baru yang diambil oleh pihak Kementerian dalam konteks menjadikan Malaysia sebagai hub kecemerlangan pengajian tinggi antarabangsa.
59. PR-1313-L58434
Tuan Teo Kok Seong [Rasah] minta **MENTERI DALAM NEGERI** menyatakan secara terperinci sebab Polis Diraja Malaysia ditugaskan untuk menjaga kertas undi pemilihan parti UMNO.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri Kewangan**

- * Rang Undang-undang Kewangan (No. 2) 2013

* Menandakan bahawa Rang Undang-undang ini akan dibawa pada semua peringkat di mesyuarat ini.

ATURAN URUSAN MESYUARAT DAN USUL-USUL

1. (D.R. 21/2013) **Rang Undang-undang Perbekalan 2014 – Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(29 Oktober, 2013)**

DAN

Usul dibuat oleh YAB Menteri Kewangan dan masalah dicadangkan :-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersetentangan dengan butiran-butiran itu di ruangan enam dan tujuh senarai tersebut.”

Menyambung semula Perbahasan atas masalah (29 Oktober, 2013)

2. (D.R. 13/2013) Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 **Bacaan Kali Yang Kedua**

[Menteri Dalam Negeri]
3. (D.R. 16/2013) Rang Undang-undang Rumah Perjudian Terbuka (Pindaan) 2013 “

[Menteri Kewangan]
4. (D.R. 17/2013) Rang Undang-undang Loteri (Pindaan) 2013 “

[Menteri Kewangan]
5. (D.R. 18/2013) Rang Undang-undang Pertaruhan Pool (Pindaan) 2013 “

[Menteri Kewangan]

6. (D.R. 15/2013) Rang Undang-undang Lambang dan Nama (Mencegah Penggunaan Tak Wajar) (Pindaan) 2013 “
- [Menteri di Jabatan Perdana Menteri]**
7. (D.R. 10/2013) Rang Undang-undang Kanun Tatacara Jenayah (Pindaan) 2013 “
- [Menteri di Jabatan Perdana Menteri]**
8. (D.R. 12/2013) Rang Undang-undang Keterangan (Pindaan) 2013 “
- [Menteri di Jabatan Perdana Menteri]**
9. (D.R. 19/2013) Rang Undang-undang Fi (Jabatan Muzium Malaysia) (Pengesahan) 2013 “
- [Menteri Pelancongan dan Kebudayaan]**
10. (D.R. 20/2013) Rang Undang-Undang Dadah Berbahaya (Pindaan) 2013 “
- [Menteri Kesihatan]**
11. PR-1313-U58205
Datuk Madius Tangau [Tuaran] akan mencadangkan:-
- "Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Intrepretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."
- (Perdana Menteri)**

12. PR-1313-U59118

Tuan Zairil Khir Johari [Bukit Bendera] akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

(Kementerian Pendidikan)

13. PR-1313-U57786

Tuan M. Kulasegaran [Ipoh Barat] akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

(Kementerian Sumber Manusia)

14. PR-1313-U58419

Tuan Fong Kui Lun [Bukit Bintang] akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

15. PR-1313-U58420

Tuan Fong Kui Lun [Bukit Bintang] akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

16. PR-1313-U58688

Tuan Manivanan a/l Gowindasamy [Kapar] akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

(Kementerian Dalam Negeri)

17. PR-1313-U58691

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

(Kementerian Pendidikan)

18. PR-1313-U59119

Dr. Tan Seng Giaw [Kepong] akan mencadangkan:-

“Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden.”

(Menteri Kesejahteraan Bandar, Perumahan dan Kerajaan Tempatan)

19. PR-1313-U59120

Dr. Tan Seng Giaw [Kepong] akan mencadangkan:-

“Bahawa Dewan ini mendebatkan dasar dan langkah untuk menangani kemalangan jalan raya di negara ini.”

(Menteri Pengangkutan)

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN</u> <u>2013</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.58	Laporan Tahunan dan Penyata Kewangan Lembaga Kemajuan Tanah Persekutuan (FELDA) Bagi Tahun 2012	30 Oktober 2013